

## INNFLUTNINGUR KATTA FRÁ LANDI ÞAR SEM HUNDAÆÐI ER HALDIÐ VEL Í SKEFJUM

Eftirfarandi eru leiðbeiningar um innflutning katta til Íslands frá eftirfarandi viðurkenndum útflutningslöndum sem skilgreind eru sem án hundaeðis. Sjá yfirlit yfir lönd án hundaeðis (lönd í 1. flokki) á s. 5.

- Innflutningsleyfi útgefið af MAST skal liggja fyrir áður en kötturinn er fluttur til landsins.
- Uppfylla skal **öllum** innflutningsskilyrðin. Innflytjandi ber ábyrgð á að innflutningsskilyrði séu uppfyllt.
- Séu skilyrði ekki uppfyllt getur það haft þær afleiðingar að kötturinn verði sendur úr landi eða aflífaður.
- Dýralæknir sem hefur læknisleyfi í útflutningslandi skal framkvæma allar lækni meðferðir sem uppfylla þarf vegna innflutnings, hvort sem um ræðir bólusetningar, sýnatökur, meðhöndlunir eða heilbrigðisskoðun.
- Eingöngu það vottorðseyðublað (C1) sem útgefið er af MAST vegna innflutnings er tekið gilt.
- Útfyllt vottorð ásamt fylgiskjöllum með áritun opinbers dýralæknis skal sent til MAST 5-10 dögum fyrir innflutning til samþykkis.
- Berist tilskilin gögn Matvælastofnun síðar en 5 sólarhringum fyrir áætlaðan komudag er stofnuninni heimilt að synja innflutningi dýrs.
- Leiðbeiningar þessar byggja á [reglugerð nr. 200/2020 um innflutning hunda og katta](#).

### FYRSTU SKREF

1. Afla upplýsinga um innflutningsskilyrði og viðurkennd útflutningslönd.
2. Fá tíma hjá dýralækni og leggja drög að innflutningsundirbúningi. Afla upplýsinga hjá dýralæknayfirvöldum í útflutningslandi varðandi opinbera áritun gagna.
3. Staðfesta örmerki kattarrins eða láta örmerkja hann.
4. Sækja um innflutningsleyfi.
5. Gera ráðstafanir varðandi einangrun

### EKKI SEINNA EN 40-60 VIKUM FYRIR INNFLUTNING

6. Bólusetning og mótefna mæling vegna hundaeðis.

### EKKI SEINNA EN 6 VIKUM FYRIR INNFLUTNING

7. Bólusetning - kattafár, kattaflensa og kattakvef.

### ÞEGAR FYRIRHUGUÐ INNFLUTNINGSDAGSETNING LIGGUR FYRIR

8. Gera ráðstafanir varðandi flutning til landsins.

### Í FYRSTA LAGI 30 DÖGUM FYRIR INNFLUTNING (ÆSKILEGT 21-28 DÖGUM FYRIR INNFLUTNING)

9. Sýnataka vegna kattahvítblæðis (FeLV).
10. Sýnataka vegna kattaeyðniveiru (FIV) – sýnataka.

### Í FYRSTA LAGI 28 DÖGUM OG Í SÍÐASTA LAGI 21 DEGI FYRIR INNFLUTNING

11. Fyrri meðhöndlun gegn innvortis og útvortis sníkjudýrum.

### Í FYRSTA LAGI 10 DÖGUM OG Í SÍÐASTA LAGI 5 DÖGUM FYRIR INNFLUTNING

12. Seinni meðhöndlun gegn inn- og útvortis sníkjudýrum
13. Heilbrigðisskoðun og útgáfa heilbrigðis- og upprunavottorðs vegna innflutnings
14. Áritun opinbers dýralæknis.
15. Heilbrigðis- og upprunavottorð (skannað afrit) sent MAST til samþykkis fyrir innflutning.

### INNFLUTNINGSDAGUR

16. Flutningur til Íslands.
17. Innflutningseftirlit og flutningur í einangrunarstöð.

<p><b>1. Afla upplýsinga um innflutningsskilyrði og þ.á.m. viðurkennd útflutningslönd.</b>  <b>Hvenær: áður en útflutningsferli hefst.</b></p>
<p>Kötturinn skal hafa dvalið í viðurkenndu útflutningslandi í flokki 1 (landi án hundaæðis) frá fæðingu eða í a.m.k. 6 mánuði.</p>
<p><b>2. Fá tíma hjá dýralækni og leggja drög að innflutningsundirbúningi. Afla upplýsinga hjá dýralæknayfirvöldum.</b>  <b>Hvenær: áður en kötturinn fer í bólusetningar, sýnatökur eða meðhöndlun vegna innflutnings.</b></p>
<p>a) Æskilegt er að sá dýralæknir sem mun sjá um undirbúning vegna innflutnings fái tíma til að kynna sér skilyrðin ef gera þarf sérstakar ráðstafnir t.d. vegna sýnataka eða bólusetninga.</p> <p>b) Innflytjandi skal afla upplýsinga um dýralæknayfirvöld í útflutningslandi og ráðstafanir sem gera þarf vegna áritunar heilbrigðis- og upprunavottorðs (sjá lið 15)</p>
<p><b>3. Staðfesta örmerki kattarins eða láta örmerkja hann.</b>  <b>Hvenær: áður en kötturinn fer í bólusetningar, sýnatökur eða meðhöndlun vegna innflutnings.</b></p>
<p>a) Kötturinn skal örmerktur með örmerki sem uppfyllir ISO staðla.</p> <p>b) Kötturinn skal örmerktur áður en meðhöndlun eða sýnataka með tilliti til innflutnings fram.</p> <p>c) Örmerkisnúmer skal staðfest í hvert sinn sem meðhöndlun eða sýnataka vegna innflutnings fer fram.</p>
<p><b>4. Sækja um innflutningsleyfi.</b>  <b>Hvenær: Innflutningsleyfi gildir í eitt ár. Æskilegt er að umsókn berist MAST tímanlega fyrir innflutning.</b></p>
<p>a) Umsókn skal send í gegnum þjónustugátt Matvælastofnunar. Hægt er að skrá sig inn í þjónustugátt með rafrænum skilríkjum eða íslykli. Nota skal umsókn nr. 2.14 og skrá allar umbeðnar upplýsingar.</p> <p>b) Æskilegt er að umsókn berist Matvælastofnun a.m.k. 30 sólarhringum fyrir fyrirhugaðan innflutning.</p> <p>c) Lágmarksupplýsingar vegna umsóknar um innflutningsleyfi</p> <ol style="list-style-type: none"> <li>1) Kattartegund</li> <li>2) Útflutningsland</li> <li>3) Örmerkisnúmer</li> <li>4) Nafn, kennitala og heimilisfang innflytjanda.</li> </ol> <p>d) Greiða skal eftirlitsgjald vegna innflutnings katta að upphæð kr. 37.400. Greiðslubeiðni er send umsækjanda þegar umsókn hefur borist. Gjald þetta er vegna umsýslu en einnig vegna innflutningseftirlits við komu kattarins á Keflavíkurflugvelli og við útskrift úr einangrunarstöð.</p> <p>e) Þegar greiðsla hefur borist Matvælastofnun er innflutningsleyfi gefið út.</p> <p>f) Númer innflutningsleyfis skal skráð á heilbrigðis- og upprunavottorð kattarins sem gefið er út áður en hann er fluttur til landsins.</p>
<p><b>5. Gera ráðstafanir varðandi einangrun.</b>  <b>Hvenær: Tímanlega fyrir innflutning.</b></p>
<p>a) Kettir skulu dvelja að lágmarki 14 daga í einangrun.</p> <p>b) Innflytjandi skal sjálfur sækja um pláss í einangrunarstöð. Á Íslandi eru 2 samþykktar einangrunarstöðvar fyrir hunda og ketti:</p> <ol style="list-style-type: none"> <li>1) Einangrunarstöðin í Reykjanesbæ (Höfnum) – <a href="http://www.einangrun.is">www.einangrun.is</a> – s. 421 6949 / 893 6949</li> <li>2) Einangrunarstöðin Mósæl (Hellu) – <a href="http://www.allirhundar.is">www.allirhundar.is</a> – s. 892 3457</li> </ol> <p>c) Öll dýr sem dvelja samtímis í einangrunarstöð skulu innrituð á 3-5 daga tímabili. Upplýsingar um komudaga/innritunardagsetningar má finna á vefsíðu viðkomandi stöðvar.</p> <p>d) Taka þarf mið af heilbrigðisskilyrðum (tímafrestum o.þ.h) þegar innflutningsdagsetning er ákvörðuð</p> <p>e) Vakni grunur um alvarlegan smitsjúkdóm í dýri í einangrun er Matvælastofnun heimilt að framlengja dvalartími, ýmist allra dýra eða eingöngu þess dýrs sem við á og fer það eftir eðli smitefnis.</p>
<p><b>6. Hundæði - bólusetning og mótefnaþing.</b>  <b>Hvenær: Í síðasta lagi 40-60 dögum (bólusetning) og 10-20 dögum (mótefnaþing) fyrir innflutning.</b></p>
<p>a) Kettir skulu hafa gilda bólusetningu gegn hundaæði, þ.e. hafa hlotið viðeigandi grunnbólusetningu og henni viðhaldið skv. leiðbeiningum framleiðanda bóluefnisins.</p> <p>b) Skrá skal eftirfarandi upplýsingar um síðustu gildu bólusetningu í heilbrigðis- og upprunavottorð; heiti bóluefnis, dagsetningu bólusetningar og gildistíma.</p> <p>c) Bólusetningin skal vera í gildi, þ.e. ekki runnin út þegar mótefnaþing er framkvæmd.</p> <p>d) Mótefnaþing er blóðsýni þar sem mótefni gegn hundaæði eru mæld og með þeim hætti er bólusetningin staðfest.</p> <p>e) Blóðsýni vegna mótefnaþingar skal tekið í fyrsta lagi 30 dögum eftir bólusetningu.</p>

- f) Mótefnaþæling skal framkvæmd af rannsóknarstofu sem viðurkennd er af Evrópusambandinu í þessum tilgangi ([https://ec.europa.eu/food/animals/pet-movement/approved-labs\\_en](https://ec.europa.eu/food/animals/pet-movement/approved-labs_en)).
- g) Mótefni skulu mælast að lágmarki **0,5 a.e./ml** (0,5 IU/ml)
- h) Niðurstaða mótefnaþælingar gildir svo lengi sem bólusetningu er viðhaldið samkvæmt leiðbeiningum framleiðanda.
- i) Rannsóknarniðurstaða skal skráð í heilbrigðis- og upprunavottorð og frumrit rannsóknarskýrslu skal fylgja vottorði.
- j) Rannsóknarskýrsla skal vera á ensku og hafa að geyma eftirfarandi upplýsingar; heiti rannsóknarstofu, örmerkisnúmer kattar, dagsetningu blóðsýnatöku og niðurstöðu rannsóknar.

#### **7. Kattafár, kattaflensa, kattakvef - bólusetning.**

**Hvenær: Athuga í síðasta lagi 6 vikum fyrir innflutning.**

- a) Kettir skulu hafa gilda bólusetningu gegn eftirfarandi sjúkdómum, þ.e. hafa hlotið viðeigandi grunnbólusetningu og henni viðhaldið skv. leiðbeiningum framleiðanda bóluefnisins.
  - 1) **Kattafár** (feline panleukopenia)
  - 2) **Kattaflensa** (feline rhinotracheitis)
  - 3) **Kattakvef** (feline calicivirus)
- b) Síðasta bólusetning gegn ofangreindum sjúkdómum skal fara fram í síðasta lagi 14 dögum fyrir innflutning.
- c) Skrá skal eftirfarandi upplýsingar um síðustu gildu bólusetningar í heilbrigðis- og upprunavottorð; heiti bóluefnis, dagsetningu bólusetningar og gildistíma.

#### **8. Gera ráðstafanir varðandi flutning til landsins.**

**Hvenær: Tímanlega fyrir innflutning, þegar innflutningsdagsetning liggur fyrir.**

- a) Taka skal tillit til bólusetninga og mótefnaþælingar m.t.t. tímafresta þegar innflutningsdagsetning er ákvörðuð.
- b) Eingöngu er heimilt að flytja ketti til landsins með flugi.
- c) Keflavíkurflugvöllur er eini samþykkti innflutningsstaðurinn fyrir gæludýr.
- d) Ef millilenda þarf með köttinn á leiðinni frá útflutningslandi til Íslands, skal innflytjandi kanna hvaða innflutningsskilyrði gilda í viðkomandi landi.
- e) Flugnúmer, komudag og komutíma skal skrá í heilbrigðis- og upprunavottorð. Svo og með hvaða hætti kötturinn verður fluttur (sem frakt eða farangur).

#### **9. Kattahvítblæði (FeLV - Feline leukemia virus) - sýnataka (blóðsýni)**

**Hvenær: í fyrsta lagi 30 dögum fyrir innflutning.**

- a) Æskilegt er að sýnataka fari fram tímanlega fyrir innflutning þar sem gera þarf ráð fyrir bið eftir niðurstöðum. Hentugt að nýta sömu dýralæknisheimsókn og fyrir fyrri sníkjudýrameðhöndlun (sja lið 13).
- b) Samþykktar rannsóknaraðferðir vegna FeLV:
  - PCR
  - ELISA
  - IFA
  - Hraðpróf (test kits) fyrir FIV/FeLV sem dýralæknar geta framkvæmt á spítala eru samþykkt.
- c) Niðurstaða skal vera neikvæð.
- d) Rannsóknarniðurstaða skal skráð í heilbrigðis- og upprunavottorð og afrit rannsóknarskýrslu skal fylgja vottorði. Ef hraðpróf er notað skal dýralæknir skrá tegundarheiti prófs.
- e) Rannsóknarskýrsla skal vera á ensku og hafa að geyma eftirfarandi upplýsingar; heiti rannsóknarstofu, örmerkisnúmer kattar, dagsetningu blóðsýnatöku og niðurstöðu rannsóknar.

#### **10. Kattaeyðniveira (FIV - Feline immunodeficiency virus) - sýnataka (blóðsýni)**

**Hvenær: í fyrsta lagi 30 dögum fyrir innflutning.**

- a) Æskilegt er að sýnataka fari fram tímanlega fyrir innflutning þar sem gera þarf ráð fyrir bið eftir niðurstöðum. Hentugt að nýta sömu dýralæknisheimsókn og fyrir fyrri sníkjudýrameðhöndlun (sja lið 13).
- b) Samþykktar rannsóknaraðferðir vegna FIV
  - ELISA
  - Western blot
  - Hraðpróf (test kits) fyrir FIV/FeLV sem dýralæknar geta framkvæmt á spítala eru samþykkt.
- c) Niðurstaða skal vera neikvæð.

<p>f) Rannsóknarniðurstaða skal skráð í heilbrigðis- og upprunavottorð og afrit rannsóknarskýrslu skal fylgja vottorði. Ef hraðpróf er notað skal dýralæknir skrá tegundarheiti prófs.</p> <p>d) Rannsóknarskýrsla skal vera á ensku og hafa að geyma eftirfarandi upplýsingar; heiti rannsóknarstofu, örmerkisnúmer kattar, dagsetningu blóðsýnatöku og niðurstöðu rannsóknar.</p>
<p><b>13. Sníkjudýr - fyrri meðhöndlun gegn innvortis og útvortis sníkjudýrum.</b>  <b>Hvenær: 21-28 dögum fyrir innflutning.</b></p>
<p>a) Meðhöndlun skal ná til:</p> <ol style="list-style-type: none"> <li>1) innvortis sníkjudýra; þráðorma, bandorma og</li> <li>2) útvortis sníkjudýra; lúsa, flóa og stórmítla.</li> </ol> <p>b) Skrá skal eftirfarandi upplýsingar um sníkjudýrameðhöndlun í heilbrigðis- og upprunavottorð; heiti lyfja, dagsetningu lyfjagjafar og íkomuleið lyfja.</p>
<p><b>14. Sníkjudýr - seinni meðhöndlun gegn inn- og útvortis sníkjudýrum.</b>  <b>Hvenær: 5-10 dögum fyrir innflutning.</b></p>
<p>a) Meðhöndlun skal ná til:</p> <ol style="list-style-type: none"> <li>1) innvortis sníkjudýra; þráðorma, bandorma og</li> <li>2) útvortis sníkjudýra; lúsa, flóa og stórmítla.</li> </ol> <p>b) Skrá skal eftirfarandi upplýsingar um sníkjudýrameðhöndlun í heilbrigðis- og upprunavottorð; heiti lyfja, dagsetningu lyfjagjafar og íkomuleið lyfja.</p>
<p><b>15. Heilbrigðisskoðun og útgáfa heilbrigðis- og upprunavottorðs vegna innflutnings.</b>  <b>Hvenær: 5-10 dögum fyrir innflutning.</b></p>
<p>a) Æskilegt er að heilbrigðisskoðun sé framkvæmd af sama dýralækni og séð hefur um annan undirbúning vegna innflutnings.</p> <p>b) Heilbrigðisskoðun; dýralæknir skal staðfesta að dýrin séu án ytri sníkjudýra og einkenna smitsjúkdóma. Sérstök skoðun m.t.t. tunguorma (<i>Linguata serrata</i>), kláðamítla (<i>Sarcoptes scabiei</i> spp.) og húðsveppa (<i>M. canis</i>, <i>M. gypseum</i>, <i>T. mentagrophytes</i> og <i>T. verrucosum</i>).</p> <p>c) Heilbrigðis- og upprunavottorð (Certificate of health and origin for import of a dog)</p> <ol style="list-style-type: none"> <li>1) Nota skal vottorðsform <b>C1</b>, vegna innflutnings á ketti frá landi án hundaaðis (1. fl.).</li> <li>2) Upplýsingar um innflytjanda og kött á vottorði skulu vera í samræmi við upplýsingar á innflutningsleyfi.</li> <li>3) Allir reitir skulu fylltir út, dagsettir og undirritaðir þar sem við á.</li> </ol>
<p><b>16. Áritun opinbers dýralæknis.</b>  <b>Hvenær: eftir að heilbrigðis- og upprunavottorð hefur verið gefið út af dýralækni (liður 15) og í síðasta lagi 5 dögum fyrir innflutning.</b></p>
<p>Opinber dýralæknir er dýralæknir sem er starfsmaður dýralæknaýfirvalda í hverju landi eða starfar með fulltingi dýralæknaýfirvalda. Hans hlutverk er að yfirfara vottorðið og staðfesta að réttmætar upplýsingar komi þar fram ásamt því að staðfesta fylgiskjöl (rannsóknarniðurstöður). Æskilegt er að haft sé samband við dýralæknaýfirvöld í útflutningslandi tímanlega og leiðbeiningar fyrir opinbera dýralækna vegna áritunar heilbrigðis- og upprunavottorðs vegna innflutnings á hundi eða ketti til Íslands, lagðar fram.</p>
<p><b>17. Heilbrigðis- og upprunavottorð (skannað afrit) sent MAST til samþykkis fyrir innflutning.</b>  <b>Hvenær: 5-10 dögum fyrir innflutning og eftir að vottorðið hefur verið útfyllt og undirritað af dýralækni og áritað af opinberum dýralækni.</b></p>
<p>a) Skannað afrit heilbrigðis og upprunavottorðs ásamt rannsóknarniðurstöðum sem við á skal sent MAST til yfirferðar og samþykkis.</p> <p>b) Gögnin skulu send sem viðhengi með tölvupósti til <a href="mailto:petimport@mast.is">petimport@mast.is</a></p> <p>c) Afrit vottorðsins skal berast MAST í síðasta lagi 5 dögum (sólarhringum) fyrir áætlaðan komudag.</p> <p>d) Berist gögnin síðar en 5 dögum (sólarhringum) fyrir áætlaðan komudag er stofnuninni heimilt að synja innflutningi.</p> <p>e) Gögn vegna innflutnings dýra eru yfirfarin á virkum dögum, á afgreiðslutíma MAST.</p> <p>f) Ef ekki eru gerðar athugasemdir við heilbrigðis- og upprunavottorð, er það undirritað og staðfest af MAST og tilkynning þess efnis send innflytjanda.</p>
<p><b>18. Flutningur til Íslands.</b></p>
<p>a) Kettir skulu vera í flutningsbúri sem er það stórt að þeir geti staðið í því, legið og snúið sér við. Búrið á að vera úr hörðu efni sem ekki getur fallið saman og sem auðvelt er að þrifa og sótthreinsa. Ef ekki er hægt að</p>

þrifa og sóttthreinsa búrið verður því fargað að loknum innflutningi. Mjúk búr eða töskur eru ekki leyfilegar. Nánar má sjá um kröfur til flutningsbúra fyrir gæludýr í reglugerð nr. 80/2016 um velferð gæludýra.

b) Leyfilegur komutími dýra er á milli kl. 06:00 og 17:00 á fyrirfram ákveðnum komudögum. Ef óhjákvæmilegt er að senda kött til landsins með flugi sem lendir utan þess tíma felur það í sér talsverðan aukakostnað fyrir innflytjanda þar sem innflutningseftirlit verður þá framkvæmt utan venjulegs vinnutíma. Matvælastofnun veitir nánari upplýsingar.

c) Eftirfarandi gögn skulu fylgja kettinum til Íslands (í umslagi sem límt er á búrið)

- 1) Innflutningsleyfi (má vera afrit)
- 2) Frumrit heilbrigðis- og upprunavottorðs (vottorðsform **C1**)
- 3) Frumrit (eða staðfest afrit) rannsóknarskýrslu vegna hundaæðismótefnaþælingar
- 4) Frumrit (eða staðfest afrit) rannsóknarskýrslu annarra rannsókna (FeLV, FIV)
- 5) Tollskýrsla. Hafi eigandi átt dýrið skemur en 12 mánuði ber honum að greiða virðisaukaskatt af kaupverði dýrsins við innflutning. Innflytjendum er skylt að leggja fram tollskýrslu hjá tollstjóra, þ.á.m. vörureikning þar sem fram koma upplýsingar um nöfn og heimili seljanda og kaupanda, útgáfustað- og dag og hvenær sala fór fram. Ganga skal frá greiðslu áður en dýrið er útskrifað úr einangrun. Vinsamlegast hafið samband við Miðlun hjá Icelandair Cargo ehf. en netfangið er tollskýrsla@icelandaircargo.is. Hafi eigandi átt dýrið lengur en 12 mánuði gæti hann þurft að leggja fram gögn því til staðfestingar.

#### 19. Innflutningseftirlit og flutningur í einangrunarstöð.

Við komu til Keflavíkurflugvallar eru kettir fluttir rakleiðis í móttökustöð gæludýra þar sem innflutningseftirlit fer fram. Eftirlitið felst í því að sannreyna örmerkisnúmer kattarins, að öll tilskilin gögn fylgi og að hann hafi ekki augljós einkenni smitsjúkdóms. Komi upp athugasemdir við innflutningseftirlit er haft samband við innflytjanda símleiðis. Að loknu innflutningseftirliti eru kettir afhentir flutningsaðila viðkomandi einangrunarstöðvar sem flytur þá í einangrunarstöð.

#### Óheimill innflutningur

- Kettlingafullar læður og læður með kettlinga á spena
- Kettir sem hafa slasast eða undirgengist aðgerðir fyrir innflutning, allt fram að innflutningsdegi, og/eða þarfnast aukins eftirlits eða eftirmeðferðar af nokkru tagi, nema með sérstöku leyfi Matvælastofnunar.

Komi í ljós við komu dýrs til landsins að ofangreint eigi við um kött sem fluttur hefur verið inn, fellur innflutningsleyfi úr gildi.

Austurríki	Finnland	Ítalía	Malta	Spánn
Ástralía	Frakkland	Japan	Noregur (að	Sviss
Belgía	Færeyjar	Króatía	Svalbarða	Svíþjóð
Bretland	Grikkland	Kýpur	frátöldum)	Tékkland
Búlgaría	Holland	Lettland	Portúgal	Þýskaland
Danmörk	Írland	Liechtenstein	Slóvakía	
Eistland	Ísland	Lúxemborg	Slóvenía	

Matvælastofnun - Markaðsstofa (inn- og útflutningsmál) - Dalshrauni 1b, 220 Hafnarfirði - s. 530 4300

Fyrirspurnir eða gögn vegna innflutnings katta: [petimport@mast.is](mailto:petimport@mast.is)